


Nunat Aqqinik Aalajangiisartut
oktobarip 13-anni 2010-mi
Oqaasileriffimmi ataatsimiinnerat

Peqataasut.: Carl Christian Olsen aamma Abia Abelsen. (Taamaattoq Karl Elias Olsen ullormi tassani ataatsimiinnermi siunnersuutaasut pillugit siunnersuutigineqartut pillugit pilertortumik isumaqatigilluinnarlugit akissuteqarmat siunnersuutigineqartut pisortatigoortumik akuerineqarput).
Allatsi: Lisathe Møller Kruse.

Peqataannigitsut: Stephen Heilmann napparsimagami ataatsimeeqataannigilaq, Tukummeq Qaavigaq-p uiata arnaa toqusimammat aallartussanngorami pisinnaasimannigilaq, kiisalu Karl Elias piffissaarunnini pissutigalugu peqataannigilaq.

Oqaluuserineqartut makkuupput:

1. Tikilluaqqusineq
2. Imaqarniliap akuerinera (*septembarip 24-anni ataatsimiinnermit imaqarniliap*)
3. Aatsitassanut Ikummatissanullu Pisortaqqarfimmiit suliakkiissutit
 - a. *Høringsanmodning vedr. ansøgning om efterforskningslicens i Sydgrønland (2011/03)*
 - b. *Høringsanmodning vedr. ansøgning om speciel efterforskningslicens (2011/04)*
 - c. *Forespørgsel om navne til eneretstilladelser til efterforskning af olie/gas*
2. Kalluarniarfik (Hans Kruse-mut apeqqutigisaaq)
3. Qeqertarsuup Ilulissallu nunataata akornanniittoq ikkanneq "Porsild Grund"-imik akuerisatut nalunaarsugaagallartoq
4. Kangaatsiap eqqaani nunat aqqi nalunaarsorlugit katersukkat, tunumi Illoqqortoormiut avannaani nunat aqqi marluk pissarsiat ilanngullugit
5. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Septembarip 24-anni 2010-mi Nunat Aqqinik Aalajangiisartut ataatsimiinnerannit imaqarniliaq akuerineqarpoq.

3. pillugu –

Aatsitassanut Ikummatissanullu Pisortaqarfimmiit saaffiginnissutit Nunat Aqqinik Aalajangiisartunit eqqartorneqareerlutik uku akuerisaasumik taaguutaasussatut aalajangerpaat:

a. Fil: ELA 2011-03_kort og koordinater.doc

Kuutsiaq (*Kujataani
Saqqarmiut Timaata
avannaaniittoq*)


Uani erseqqissarneqassaaq sumiiffiit marluk ataatsimiinnermi immikkut atserneqarsimagaluarmata avannarleq “**Qaamasoq**”-mik ateqartussatut kujallerlu “**Kuutsiaq**”-mik ateqartussatut, Aatsitassanulli Pisortaqarfimmiit ataasiinnarmik ateqartussatut aalajangiivigineqareersimammata Nunat Aqqinik Aalajangiisartut siulittaasuata Carl Christian Olsenip sumiiffik pineqartoq “**Kuutsiaq**”-mik ateqartussatut aalajangerpaa.

b. Fil: ELA 2011-04_kort og koordinater.doc

Allak (*Tunup kujataani
Timmiarmiut
kujatinnguaniittoq*)

c. Fil: Blokinddeling Baffin Bugt udbudsrunde.jpg:

2) **Qamut**
5) **Anu**



- 6) **Pitu**
- 8) **Napu**
- 9) **Tooq**
- 13) **Napariaq**
- 14) **Ingoraq**

Sumiiffiit qulaani pineqartut uuliasiorfissatut gasimillu ujarlerner mi sissuivissat Qimusseriarsuup eqqaaniit Qeqertarsuup avannaani Qeqertarsuatsiap kitaanut killipput.

Uuliasiorfissat gasimillu ujarlerner mi sissuivissat allat suli saaffiginnissutigineqanngitsunut uku atissatut Nunat Aqqinik Aalajangiisartunit piareersimatinneqarput: Orseq, ilaat, nuluutit, naqitarut, peersaat, tiarut, iperaataq, suloraq kiisalu taalutaq.

4. pillugu -


Kingullermik ataatsimiinnermi Nunat Aqqinik Aalajangiisartut aalajangerpaat nunap aqqa nunaqarfiup Niaqornat ilaaniittoq “**Kalluarniarfik**” pisortatigoortumik akueritinnagu qanoq isumaqarnerseq paasiniarneqaaqqaassasoq.

Niaqarnarmiumut Niaqornat eqqaanni nunat aqqinik suleqatigineqarsimasumut Hans Kruse-mut **Kalluarniarfik** qanoq isumaqartinneqarluni taamatut ateqartinneqarnerseq paasiniarneqarmat Hans Kruse ima nunap aqqa pineqartoq pillugu nassuiaateqarpoq: “*Kalluarniarfik taamanikkut timmiarniarlutik qammavigalugu kalluarniarfigisarsimavaat. Isumaqarpoq allunaasaq ujarattalerlugu timmissat qattaarpata allunaasaq qummut milorujullugu napiariartarlugu. Tassa allunaasaq timmissamut nermunniarsaralugu*”.

Nunat Aqqinik Aalajangiisartut nunap aqqa **Kalluarniarfik** qanoq isumaqartinneqarluni taamatut ateqartinneqarnerseq paasigamikku sumiiffik pineqartoq “**Kalluarniarfik**”-mik ateqartussatut pisortatigoortumik aalajangerpaat.

5. pillugu -

Kingullermik ataatsimiinnermi Nunat Aqqinik Aalajangiisartut aalajangerpaat ikkanneq Porsild Grund Ilulissat Qeqertarsuullu akornanniittoq qallunaatuinnaq pisortatigoortumik ateqartut



nalunaarsoqqasoq kalaallisut ateqartinneqarnersoq paasiniarneqassasoq. Ilulissani Aalisartut Piniartullu siulittaasuannut Ove Rosbachimut paasiniarneqarmat paasitinneqarpugut “Poorsilip Ikkannera”-nik taaneqartartoq, aperineqartullu ilanngullugu oqaatigivaa allatut taaneqartooq tusarsimanagu.

Nunat Aqqinik Aalajangiisartut eqqartoreerlugu aalajangerput taanna ikkanneq **“Ikkanneq Porsild”**-imik pisortatigoortumik ateqassasoq. Nunat Aqqinik Aalajangiisartut tunngavilersuutigivaat Porsildip ikkanneq pineqartooq piginnigikkaa, tamannalu pissutigalugu “Poorsilip Ikkannera”-nik pisortatigoortumik ateqartariaqanngitsoq.

6. pillugu -

Kangaatsiap eqqaani nunat aqqi nalunaarsorlugit katersukkat, tunumilu Illoqqortoormiut avannaani nunat aqqi marluk pissarsiat Nunat Aqqinik Aalajangiisartunit eqqartorneqanngikkallarlutillu aalajangiivigineqanngikkallarput. Taamatut aalajangernermit pissutaavoq Nunat Aqqinik Aalajangiisartut marluinnaat ataatsimeeqataanerat.

7. pillugu -

--

Carl Chr. Olsen
Siulittaasoq

Lisathe M. Kruse
Allatsi